

Na osnovu člana 16. stav (3) Zakona o Vladi Zeničko-dobojskog kantona –Prečišćeni tekst ("Službene novine Zeničko-dobojskog kantona" broj: 7/10), člana 124. stav (1) i 125. stav (3) Zakona o policijskim službenicima Zeničko-dobojskog kantona ("Službene novine Zeničko-dobojskog kantona", broj: 8/06, 20/07 i 9/09), na prijedlog Ministarstva unutrašnjih poslova, Vlada Zeničko-dobojskog kantona, na nastavku 85. sjednice, održanom 05.11.2012. godine, d o n o s i

R J E Š E N J E
o uspostavljanju Policijskog odbora Ministarstva unutrašnjih poslova Zeničko-dobojskog kantona i imenovanju njegovih članova

Član 1.

Uspostavlja se Policijski odbor Ministarstva unutrašnjih poslova Zeničko-dobojskog kantona (u daljem tekstu: Policijski odbor) i imenuju članovi Policijskog odbora u sastavu:

1. Brkić Kemal-policijski službenik
2. Bolić Sead-policijski službenik
3. Đuhera Belmin-državni službenik.

Zasjedanjem Policijskog odbora predsjedava policijski službenik prema članu 125. stav (2) Zakona o policijskim službenicima Zeničko-dobojskog kantona.

Član 2.

Policijski odbor postupa u okviru nadležnosti propisanih članom 124. Zakona o policijskim službenicima Zeničko-dobojskog kantona.

Član 3.

Članovi Policijskog odbora se imenuju na period od dvije godine.

Član 4.

Članovima Policijskog odbora pripada mjesečna naknada za rad u neto iznosu od 200,00 KM (slovima: dvijestotine konvertibilnih maraka), a administrativno tehničkom licu iz reda uposlenih namještenika, koje bude obavljalo administrativno tehničke poslove pripada mjesečna naknada za rad u neto iznosu od 100,00 KM (slovima: stotinu konvertibilnih maraka).

Sredstva iz stava 1. ovog člana će se isplaćivati iz Budžeta Zeničko-dobojskog kantona, razdjel 15, budžetska organizacija 01, potrošačka jedinica 0001, ekonomski kod 6139, pozicija 613974.

Član 5.

Članovi Policijskog odbora će zadatke iz svoje nadležnosti obavljati van radnog vremena, a izvještaj o svom radu dostavljati mjesečno ministru Ministarstva unutrašnjih poslova Zeničko-dobojskog kantona.

Član 6.

Stupanjem na snagu ovog rješenja stavlja se van snage Rješenje o naknadi za rad članova Policijskog odbora Ministarstva unutrašnjih poslova Zeničko-dobojskog kantona broj: 02-14-10917/07 od 18.04.2007. godine.

Član 7.

Ovo rješenje stupa na snagu danom donošenja, a objavit će se u "Službenim novinama Zeničko-dobojskog kantona".

Broj: 02-_____/12.
Datum, 05.11.2012. godine
Z e n i c a

PREMIJER

mr.sci.Fikret Plevljak dipl.ing.

DOSTAVLJENO:

1x Članovi Policijskog odbora (putem ministarstva),
1x Ministarstvo unutrašnjih poslova,
1x Ministarstvo finansija,
1x „Službene novine Zeničko-dobojskog kantona“,
1x a/a.